

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-24601/22
Sarajevo, 22.12.2022. godine

Na osnovu člana člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) člana 5. Sporazuma o zajedničkom pokretanju postupka javne nabavke - Sporazum o sufinansiranju na realizaciji Projekta „Stambeni razvoj – Sistemska sanacija objekata oštećenih ratnim dejstvima – sanacija krovova“ na adresi Petra Tiješića br.1,3,5,7 i 9 Općina Novi Grad Sarajevo i Aneksa I Sporazuma broj 02/08-19-1771/22 od 13.09.2022.godine i člana 14. Pravilnika o nabavci roba, vršenju usloga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usloga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke – Sanacija kosog krova zgrade u ulici Petra Tiješića 1,3,5,7 i 9, broj obavještenja 422-1-3-246-3-223/22 objavljeno na Portalu javnih nabavki BiH dana 18.11.2022.godine i u “Službenom glasniku BiH”– Oglasnik javne nabavke broj 77/22 od 28.11.2022.godine, obzirom da je cijena jedine prihvatljive ponude znatno veće od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-24601/21 od 17.11.2022. godine Općina Novi Grad Sarajevo pokrenula je otvoreni postupak javne nabavke – Sanacija kosog krova zgrade u ulici Petra Tiješića 1,3,5,7 i 9, broj obavještenja 422-1-3-246-3-223/22 objavljeno na Portalu javnih nabavki BiH dana 18.11.2022.godine i u “Službenom glasniku BiH”– Oglasnik javne nabavke broj 77/22 od 28.11.2022.godine. Predmetni postupak pokrenut je na osnovu člana 5. Sporazuma o zajedničkom pokretanju postupka javne nabavke - Sporazum o sufinansiranju na realizaciji Projekta „Stambeni razvoj – Sistemska sanacija objekata oštećenih ratnim dejstvima – sanacija krovova“ na adresi Petra Tiješića br.1,3,5,7 i 9 Općina Novi Grad Sarajevo i Aneksa I Sporazuma broj 02/08-19-1771/22 od 13.09.2022.godine.

Rješenjem Općinskog načelnika broj 02/02-04-25711/22 od 05.12.2022. godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član Komisije predstavnik Ministarstva komunalne privrede, infrastrukture, prostornog uređenja, građenja i zaštite okoliša. Komisija je na sjednici Komisije održanoj dana 09.12.2022. godine usvojila Poslovnik o radu Komisije za provođenje postupka predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH. Procijenjena vrijednost za predmetnu nabavku iznosi 299.145,30 KM bez PDV-a, odnosno 350.000,00 KM sa PDV-om.

Zapisnikom o otvaranju ponuda od 09.12.2022. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Hadžić-Gradnja“ d.o.o. Sarajevo
2. “Sela” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Hadžić-Gradnja“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz 4.8.2. - *Garancija za ozbiljnost ponude koja se dostavlja na sljedeći način: - originalna bankovna garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja; plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude.* Ponuđač je dostavio garanciju za ozbiljnost ponude koja nije numerisana niti zatvorena naljepnicom na način da isti obuhvati i naljepnicu i plastičnu foliju kako bi se onemogućilo naknadno vađenje odnosno umetanje listova. Takođe bankovna garancija je dostavljena uz ponudu ali ista nije uvezana, dakle ne čini sastavni dio ponude, kako je to traženo navedenom tačkom tenderske dokumentacije.

Nadalje komisija je konstatovala da ponuđač ne ispunjava kvalifikacioni uslov tražen u tenderskoj dokumentaciji iz tačke 3.4.1. (4) tehnička i profesionalna sposobnost – dokaz da je ponuđač opremljen neophodnom opremom za obavljanje predmetnih radova, a tačkom 3.4.2. (6) propisano je da se za opremu kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme. Za kamione se dostavlja važeća saobraćajna dozvola (original ili ovjerena kopija), za radne mašine važeću saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje. Ponuđač treba da obezbijedi sljedeću mehanizaciju i opremu: transportna sredstva (kamion do 10t)-građevinska skela min 1000m², dizalica za vertikalni transport tereta nosivosti do 500kg.

Uvidom u dostavljenu ponudu utvrđeno je da ponuđač „Hadžić-Gradnja“ d.o.o. Sarajevo nije dostavio Izvod iz knjige osnovnih sredstava(sa označenom pozicijom tražene opreme) što je bio dužan dostaviti u sklopu svoje ponude a u skladu sa navedenom tačkom tenderske dokumentacije. Nadalje tenderskom dokumentacijom je tražen kamion do 10t, ponuđač je u sklopu svoje dokumentacije dostavio kopiju saobraćajne dozvole za kamion preko 10t koja nije ovjerena, zatim ponuđač je bio dužan dostaviti dokaz o posjedovanju ili ugovor o iznajmljivanju opreme za građevinsku skelu min 1000m², uvidom u priloženu dokumentaciju konstatovano je da komisija nije mogla utvrditi količinu skele u vlasništvu ponuđača (nedostaje Izvod iz knjige osnovnih sredstava, a iz priložene dokumentacije ta karakteristika nije vidljiva. Takođe tenderskom dokumentacijom tražen je dokaz o posjedovanju vertikalne dizalice za transport tereta nosivosti do 500kg, a ponuđač je dostavio dokaz o posjedovanju građevinske toranjske dizlice, što nije traženo navedenom tačkom tenderske dokumentacije.

Iz naprijed navedenih razloga utvrđeno je da ponuđač „Hadžić-Gradnja“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. pod 4. – tehnička i profesionalna sposobnost i tačke 4.8.2. te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je pristupila analizi i procjeni preostale ponude, te utvrdila da dostavljena ponuda ponuđača „Sela“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji, te da je računski ispravna. Komisija je nadalje utvrdila da je Odlukom o pokretanju postupka procijenjena vrijednost nabavke (350.000,00 KM sa PDV-om,), a ponuđač „Sela“ d.o.o. Sarajevo je ponudio cijenu za okvirni sporazum u iznosu od 421.780,91 KM sa PDV-om, te je na osnovu toga Komisija predložila da se donese Odluka o poništenju postupka predmetne javne nabavke, obzirom da je ponuda ponuđača „Sela“ d.o.o. Sarajevo znatno veća od osiguranih sredstava za predmetnu nabavku.

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Stjepan Muić
DOSTAVITI!

1. Ponuđačima u postupku
2. Služba za zajedničke poslove

